

Masharti ya Ukuaji wa Kikristo

Na hii ndiyo dua yangu, kwamba pendo lenu lizidi kuwa jingi sana, katika hekima na ufahamu wote; ... hali mmejazwa matunda ya haki, kwa njia ya Yesu Kristo, kwa utukufu na sifa ya Mungu. Wafilipi 1:9-11

Pale ambapo pana uhai, patakuwa na ukuaji na kuzaa matunda; lakini isipokuwa tumekua katika neema, hali yetu ya kiroho itadumaa, itakuwa dhaifu, isiyozaa matunda. Ni kwa kukua tu, kwa kuzaa matunda, ndipo tunapoweza kutimiza kusudi la Mungu kwetu. "Hivyo hutukuzwa Baba yangu," Kristo alisema, "kwa vile mzaavyo sana" (Yohana 15:8). Ili kuzaa sana, ni lazima tutumie vizuri fursa zetu. Ni lazima tutumie kila fursa tunayopewa kwa ajili ya kupata nguvu.

Tabia safi, bora, pamoja na mambo makuu yanayowezekana kwayo, imetolewa kwa kila mwanadamu. Lakini kuna wengi ambao hawatamani sana kuwa na tabia kama hiyo. Hawako tayari kutengana na uovu ili wapate mema. ... Wanapuuzwa kufahamu baraka ambazo zingewaweka katika upatanifu na Mungu. ... Hawawezi kukua.

Mojawapo ya mipango ya Mungu ya kukua ni utoaji. Mkristo anapaswa kupata nguvu kwa kuwaimarisha wengine. "Nafsi ya mtu mkarimu itawandishwa, Anyweshaye atanyweshwa mwenyewe" (Mithali 11:25). Hii si ahadi tu; ni sheria ya Mungu, sheria ambayo Mungu ameikusudia kwamba mito ya ukarimu, kama maji ya bahari kuu, itadumishwa kuzunguka, ikitiririka daima kurudi kwenye chanzo chake.

Katika utimizaji wa sheria hii ndipo ilipo siri ya ukuaji wa kiroho....

Tunapomjia Mungu kwa imani, Yeye atatupokea na kutupa nguvu za kupanda juu kuelekea katika ukamilifu. Ikiwa tutajihadhari na kila neno na tendo, ili tusifanye jambo lolote la kumfedhehesha Yule ambaye ametuamini, ikiwa tutatumia vizuri kila fursa tunayopewa, tutakua na kufikia kimo kamili cha wanaume na wanawake katika Kristo....

Wakristo, je, Kristo anadhihirishwa ndani yetu? Je, tunafanya yote tuwezayo ili kupata mwili ambao haudhoofishwi kwa urahisi, akili ambayo inaangalia ng'ambo ya nafsi kwenye chanzo na matokeo ya kila vuguvugu, ambayo ina uwezo wa kushindana na matatizo makubwa na kuyashinda, dhamiri ambayo ni thabiti kupinga uovu na kutetea haki? Je, tunaisulubisha nafsi? Je, tunakua na kufikia kimo kamili cha wanaume na wanawake katika Kristo, tukijiandaa kuvumilia magumu kama askari shujaa wa msalaba?